



Bosna i Hercegovina
Federacija Bosne i Hercegovine
Kanton Sarajevo – Grad Sarajevo
OPĆINA CENTAR SARAJEVO
Općinski načelnik

Broj: 02-11-7589/20

Sarajevo, 31-03-2021 godine

Na osnovu člana 70. stav (1), (2), (3) i (6) i člana 98. stav (2) tačka a) Zakona o javnim nabavkama Bosne i Hercegovine ("Službeni glasnik BiH", br. 39/14) u daljem tekstu: Zakon, člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), a na prijedlog Komisije za nabavku roba, vršenju usluga i izvođenje radova I (u daljem tekstu: Komisija I) u postupku javne nabavke za izvođenje nepredviđenih i naknadnih radova na izgradnji stajališta u ulici Patriotske lige, (Zapisnik o pregledu i ocjeni ponuda broj: 02-11-7589/20 od 22.12.2020.godine), Općinski načelnik
d o n o s i:

ODLUKU O IZBORU NAJPOVOLJNIJEG PONUĐAČA

- I. Prihvata se konačna ponuda ponuđača **"DŽEKOS" d.o.o. Sarajevo , ul. Ismeta Alajbegovića Šerbe br.16, 71 000 Sarajevo**, broj: 6862/20 od 21.12.2020.godine, za dodjelu Ugovora za izvođenje nepredviđenih i naknadnih radova na izgradnji stajališta u ulici Patriotske lige, putem pregovaračkog postupka bez objave obavještenja, u ukupnom iznosu od 30.264,95 KM (bez PDV-a) i 35.409,99 KM (sa PDV-om).
- II. Izabrani ponuđač je dokaze iz tačke 2.1. TD (Lična sposobnost), u skladu sa članom 45. Zakona o javnim nabavkama, dužan dostaviti na Protokol ugovornog organa. (originalne ili ovjerene kopije)
- III. Ova odluka stupa na snagu danom donošenja i dostavlja se ponuđaču koji je učestvovao u postupku javne nabavke u roku od 7 dana, shodno članu 71. Zakona.
- IV. Ova Odluka objavit će se na web-stranici Općine Centar, www.centar.ba, istovremeno s upućivanjem iste ponuđaču koji je učestvovao u postupku javne nabavke, shodno članu 70. stav (6) Zakona o javnim nabavkama.

O b r a z l o ž e n j e

Postupak za javnu nabavku za izvođenje nepredviđenih i naknadnih radova na izgradnji stajališta u ulici Patriotske lige, putem pregovaračkog postupka bez objave obavještenja, pokrenut je Posebnom odlukom Općinskog načelnika o pokretanju postupka broj: 02-11-7589/20 od 10.12.2020.godine.

Poziv za preuzimanje tenderske dokumentacije u pregovaračkom postupku bez objave obavještenja za izvođenje nepredviđenih i naknadnih radova na izgradnji stajališta u ulici Patriotske lige, dostavljen je na adresu ponuđača "DŽEKOS" d.o.o. Sarajevo.

Shodno Zakonu o javnim nabavkama, informacije o postupku i tenderska dokumentacija objavljene su na Internet stranici Općine Centar Sarajevo, kako bi bile dostupne ostalim ponuđačima.

Po pozivu za dostavu Zahtjeva za učešće ponuđač "DŽEKOS" d.o.o. Sarajevo je u ostavljenom roku do 17.12.2020. godine do 09,00 h, dostavio dokumentaciju zahtjevanu tenderskom dokumentacijom. Nakon dostave dokumentacije, Komisija I je pristupila analizi dokumentacije priložene u smislu provjere njene validnosti, obzirom na iskazane zahtjeve

ugovornog organa u tenderskoj dokumentaciji. Nakon završene prve faze, prihvatanja Zahtjeva za učešće, Komisija I je uputila poziv ponuđaču "DŽEKOS" d.o.o. Sarajevo za dostavu početne ponude i poziv na pregovore. Ponuđač "DŽEKOS" d.o.o. Sarajevo je dostavio svoju početnu ponudu u ostavljenom roku i to 18.12.2020.godine do 10,00 h. O izvršenim pregovorima je sačinjen zapisnik.

U skladu sa članom 63. Zakona o javnim nabavkama (u daljem tekstu: Zakon), Komisija I je u zakazano vrijeme pristupila javnom otvaranju ponude i nakon što je utvrđena blagovremenost i urednost dostave, pročitana je cijena pristigle početne ponude kako slijedi:

R.br	PONUĐAČ	Ukupna cijena bez PDV-a (KM)	Ukupna cijena sa PDV-om (KM)
1.	"DŽEKOS" d.o.o. Sarajevo	30.264,95 KM	35.409,99 KM

Uvidom u početnu ponudu ponuđača "DŽEKOS" d.o.o. Sarajevo, Komisija I je konstatovala da je ista sačinjena u potpunosti u skladu sa zahtjevima iskazanim u tenderskoj dokumentaciji.

Nakon pregleda i ocjene početne ponude, Komisija I je prema upućenom pozivu ponuđaču "DŽEKOS" d.o.o. Sarajevo za pregovaranje zakazano dana 18.12.2020.godine u 10,30h. Nakon izvršenog pregovaranja sa ovlaštenim predstavnikom ponuđača, sačinjen je Zapisnik o pregovaranju, te je Komisija I uputila poziv ponuđaču "DŽEKOS" d.o.o. Sarajevo za dostavu konačne ponude do 21.12.2020.godine do 13,30h.

Dana 21.12.2020.godine ponuđač "DŽEKOS" d.o.o. Sarajevo je dostavio svoju konačnu ponudu u iznosu od 30.264,95 KM (bez PDV-a), odnosno 35.409,99 KM (sa PDV-om), koja je postignuta u postupku pregovaranja. Uvidom u konačnu ponudu ponuđača "DŽEKOS" d.o.o. Sarajevo, Komisija I je konstatovala da je ista sačinjena u potpunosti u skladu sa zahtjevima iskazanim u tenderskoj dokumentaciji. O svemu gore navedenom, su

Shodno izloženom, Komisija je putem javnog glasanja jednoglasno donijela odluku da se Općinskom načelniku dostavi:

PREPORUKA O PRIHVATANJU KONAČNE PONUDE

Ponuđača **"DŽEKOS" d.o.o. Sarajevo , ul. Ismeta Alajbegovića Šerbe br.16, 71 000 Sarajevo**, broj: 6862/20 od 21.12.2020.godine, za dodjelu Ugovora za izvođenje nepredviđenih i naknadnih radova na izgradnji stajališta u ulici Patriotske lige, putem pregovaračkog postupka bez objave obavještenja, u ukupnom iznosu od 30.264,95 KM (bez PDV-a) i 35.409,99 KM (sa PDV-om).

Nadalje, Općinski načelnik u postupku ocjene nije našao razloge, niti nepravilnosti u radu Komisije koji bi eventualno bili osnov za neprihvatanje preporuke Komisije, te je odlučeno kao u dispozitivu.

Pouka o pravnom lijeku: Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke shodno članu 101. Zakona. Naknada za pokretanje žalbenog postupka iznosi 500,00 KM u skladu sa članom 108. stav (1) tačka a) Zakona. Žalba se podnosi u dovoljnom broju primjeraka, a koji ne može biti manji od tri.

Općinski načelnik

Srdan Mandić

Prilog: Zapisnik o pregledu i ocjeni početne i konačne ponude
br.02-11-7589/20 od 22.12.2020.godine

DOSTAVITI:

1. "DŽEKOS" d.o.o. Sarajevo , ul. Ismeta Alajbegovića Šerbe br.16, 71 000 Sarajevo
2. Evidenciji
3. Arhivi